



- EDITORIAL ● RÂL VÊNGTU ● CHHÛNGKAW CHANCHIN
- ✦ 2015 Synod Inkhawmpui Presbytery thlenna tur Counter
- ✦ KTP Youth Recreation Centre lungphûm phûm a ni ta
- ✦ 2016 Nilai leh Beihruai Thupui peih fel a ni

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001,
Mizoram. Phone - 0389-2324590

SYNOD Newsletter

Volume XXIX

No. 386

E-mail : synodnews@gmail.com

NOVEMBER, 2015

MASIHI SANGATI INKHÂWMPUI LIAN VAWI 29-NA HLIM TAKA HMAN A NI

** Palai kal zawng zawng 6,507 an ni a; mi 72-in baptisma an chang thar*

Mizoram Presbyterian Kohhran Synod Mission Board-in enkawltu Committee hran siama a enkawl, Masihi Sangati (Kristian Inpâwlhona) chuan kum khat dana an hman thin Inkhawmpui Lian, Masihi Sangati Convention vawi 29-na chu October 23-25, 2015 chhûng khân Bethlehem Kohhran Biak Inah hlim takin an hman a, palai pawh an kal tha hle. Palai kal chhinchhiah hi riak lût 2,030 leh lehlânga kal 4,477, an vâin 6,507 an ni. Palai kalte hi Fellowship 84 aţanga kal an ni a, Mizoram pawns hmun hrang hrang – Arunachal & Assam Field aţang te, Odisha, Karimganj, Madanriting (Shillong), Bagha leh Assam Field aţang tein palai 100 an lo kal thei a. Convention Thupui, “Taksa thu lungkham suh u” (Mt 6:25) chu Masihi Sangati Pastor zînga mi Rev. R.K. Lalawmpui a sawi a. Bible Study chu Masihi Sangati Pastor tho, Rev. Lalhatluangan a neihpui a, Chanchin Tha Luka ziaak bung 19:1-10 an zir. Convention Secretary atân Pu K. Ronghaka, Mission Promoter i/c Masihi Sangati, SMB leh Pu J.R. Hnunliana, Evangelist te hman an ni.

Inkhawmpui tan (Ni 23.10.2015) zân inkhawmah inlawmna leh report ngaihlâk a nih bâkah Synod Moderator-in thuchah tawi a sawi a, mi 1,707 lai an inkhawm thei ngih a. Convention-ah hian ringlo mi eng emaw zât hruai an nih thin avângin ni 24.10.2015 Inrinni zîng kâr aţangin Counselling class neih tan a ni a, hemi zîngah tho hian Biak In lamah Bible Study neih a ni baw. Inrinni chawhma inkhawm aţangin Convention thupui ngaihlâk tan a ni a, chawhnu lamah chuan kum danga la tih ngai loh Fellowship leh Cultural Programme hlimawm tak hman a ni a, Fellowship hrang hrangin anmahni tawnga hla sain lâw te an entîr baw a, lemchan tawi entîr a ni baw a, a hlimawm khawp mai. Inrinni zânah hian Speaker-in Convention thupui a sawi leh baw.

Pathianni zîng kârah Bible Study leh Counselling class neih leh a ni a, chawhma inkhawmah Speaker-in Convention thupui a sawi leh a, chawhnu inkhawmah Lalpa Zanriah Sakramen theh a ni a, thehtu Pastor Lalfakawma Chhangte, Pastor i/c Aizawl South Area a ni. Pathianni zân inkhawm chu Rev. P.C. Pachhunga, Executive Secretary i/c SMB-in a hruai a, Rev. K. Lalthlanpua, Director, Masihi Sangati Kendra-in Pathian

thuchah a sawi thung. Inkhawm apiang hian Zaipawl panga aia tlêm lo an zai ziah a, Synod Mission Board-in a din Synod Mission Choir pawh vawi hnih an zai a, inkhawm zai leh inpâwlhona lama zai a nuam êm êm reng a, zai apiangin lâmtuala leng lo lâw chhuak an awm avângin Biak In luhna hêl zâwngin lâmna siam a ngai hial a ni.

Inkhawmpui chhûngin Masihi Sangati Evangelist-ten theihtâw chhuahin ringlote leh ring tharte chu Pathian thuin an lo kâwm (Counselling) a, counselling class-a awm chhinchhiah zât chu 195 an ni a, Pathianin hna a thaw a, mi 72 laiin Convention chhûngin baptisma an chang a, a ropui hle! Baptisma chang zîngah hian mi thiam leh changkang tak tak pawh an tel nghe nghe. Baptisma changten an thiante leh chhûngte aţanga tuarna chi hrang hrang an hmachhawn nghal dân hre Chiangte chuan mi 72 lai baptisma chang thar awm hi lâwmawm an ti leh zual a, Pathian hnênah lâwmthu an sawi nasa a ni. Convention tâw zân inkhawm bânah zaikhawm zui leh a ni a, mi 500 lai hlim takin an zai tlaivar thak a, zîng dân 5:00-ah zaikhawm an tîn a, Convention vawi 29-na chu kham lo takin an thlah liam ta a ni.



SYNOD Newsletter

EDITORIAL STAFF

Rev. K. Lalpiangthara (LPT)
Rev. Thangzauva (TZ)
Upa H. Ronghaka (HR)
Upa Khawlungnunga (KCN)

Editorial

MI KAN EN DÂN TŨR

Mi tu pawh hian thatna lai leh that lohna lai, tinna lai leh tlin lohna lai kan nei vek a. Kan thatna lai leh kan tinna lai kan inhmuh sak thiam hi chuan khawsak ho te, hna thawh ho te leh rawngbâwl ho te a nuam thin a. Kan tlâchhamna lai leh kan chak lohna lai ringawt min rawn hmuhsak hi chuan nuam ti taka ei ho leh khawsak ho a harsa thin.

Vawi khat chu kan Lal Isua leh a zirtîrte kawnga an kal laiin kawngsîra ui thisâwn, rim chhe êm êm mai hi an hmu a. Zirtîrten uih an tih thu leh an ten thu ringawt an sawi chhuah laiin Lal Isua chuan, “A ha chu a vâ tha hle mai a,” a ti e, an ti. Kha ui thisâwn khân fak tlâkna lai rêng nei lo va zirtîrten an hmuh laiin Lal Isua chuan fak a phûna lai a hmuhsak tlat a ni. Ni tin zan tina kan chênpuui te, office lama kan thawhpui te, zirna in lama kan thawhpui te, kut hna kan thawhpui thin te leh rawng kan bâwlpui thin te hian tlin lohna lai tam tak an neih laiin, an tinna lai leh fak an phûna lai kan hmuhsak thin em aw? Kumin January aţanga November thlenga kan hun hman tawhah hian eng nge kan an i inzâwt hlawm ang u.

2016 NILAI LEH BEIHRUAL THUPUI PEIH FEL A NI TA

Kum 2016-a Nilai leh Beihrial thupui zir tûr ‘Mihring leh a nihna’ tih Rev. Dr. Lalthungnunga ziah chu peih fel a ni ta a, Synod Bookroom Branch tinah lei theih a ni. Kum 2016 atâna Nilai leh Beihrial Thupui bu hi copies 65,000 zet chhut niin Nilai leh Beihrial Thupui buatsaih tawh zingah chhut tam ber tum a la ni a. Puitling Sunday School zirlaibu dawtah lehkhahu mala copies chhut tam ber a ni baw. Tûn tum Nilai Zân Thupui bu hi phêk 298 zeta chhah a ni a. A man ₹ 90 a ni.

PASTOR-TE CHANCHIN

Mizoram Presbyterian Kohhran hnuaia Minister/Pastor leh Pro Pastor-te chanchin, anmahnin an zia chu Synod Office-ah kaw vek tûra hmalâk a ni a. Officers’ Meeting (OM)-in form a siam hmanga ziah tûrin thawh chhuah mêk a ni. Hei hi kawng hrang hrangah ţangkai taka hman theih a nih beisei a ni.

RB.H KIRLOSKAR HRUAINA ÊNG QUIZ

November 5, 2015 (Ningani) zân khân Rb.H Kirloskar Hruaina Êng Quiz chu Zosâphluia Hall, Mission Vêng-ah ţan a ni ta.

Quiz ţan hma hian hawnna hun hman a ni a, Rev. R.S Rokima, Synfo Committee Member-in hunserh a hmang a, Rev. Lalramliana Pachuau-in quiz hawnna neiin Pathian hnênah a hlân a, Host Ni Lalbiakremi Fânai-in inhmelhriattîrna a nei baw.

A ţan zân hian a hmasa zâwkah Hmunthar Kulikâwn, Khatla East, Tlângnuam South, Ramhlun North, Zemabâwk Vêngthar Kohhran ten inelna an nei a. A hnuhnung zâwkah Hunthar, Luangmual, Chanmari West, Electric Vêng (Kolasib), Dâwlpui Kohhran ten inelna an nei leh a ni. First Round hi November 6, 10, 12, leh 13 zânah te leh a ni ang a, Second Round hi November 20 –ah Top Ten chin ten inelna neih leh a ni ang a, November 27-ah Final neih tûra ruahman a ni.

MISSION FIELD RAWNGBÂWLNA

Mission Field hmun hrang hrangah Chanchin Tha hril beihpui thlâk a ni a; Arunachal & Assam Mission Field East te chuan Oct 29-Nov 1, 2015 chhûng khân Miao-ah Gospel Festival hmangin, Jharkhan Mission Field te chuan Oct 30- Nov 1, 2015 chhûng khân Convention ropui tak an hmang baw. Assam Mission Field chuan Oct. 30-Nov. 1, 2015 chhûng vêk khân Guwahati-ah beihpui thlakin, hmun hranga hranga rawngbâwl na hian rah duhawm tak a chhuah zêl a, a lâwmawm hle.

2015 SYNOD INKHÂWMPUI IN REPORT-NA TŨR COUNTER

2015 Synod Inkhâwmpui Vawi 92-na, Palai riaklût tûrte tân a awlsam zawk nân a hnuaia târ lan ang hian Palai hmuahna Counter ruahman a ni a. Chûngte chu:

1. Tuikual Kohhran Biak In hnuaia
2. Tuikual South YMA, Section-I Inpui, Tuikual ‘A’ (Agriculture Quarters bul)
3. Tuikual North YMA Hall, Tuikual ‘D’ Mual

Heng zînga Counter pahnih Tuikual South YMA, Section-I Inpui leh Tuikual North YMA Hall-te hi December 7 & 8, 2015 (Thawhtanni leh Thawhlehi)-ah hawn a ni ang a. Hemi hnu lamah chuan Inkhâwmpui Palai, riaklût leh lînga kal tûr zawng zawngte chu Tuikual Kohhran Biak In hnuaia (Counter)-ah in report tawh tûr a ni ang.

Tuikual Kohhran Biak In-a in report tûr Presbytery te:

1. Aizâwl Bethel Lunglei East	Khawhtlang	Hmârçhak
2. Aizâwl East Sakawrhmutuai	Sêrlui Kolasib	Hmarphei
3. Aizâwl West-I Dampa	Chhimchhak Tripura North	Champhai South
4. Aizâwl West-II Tuivawlrâl	Champhai North Ramlai	Tuirini
5. Mission Fields & India ram pâwn Tanggam Joint Pastoral Meeting (JPM) Fraternal Delegates	Barak Phaipi Arunachal & Assam Mission Field Synod mi sâwmte	Cachar Tlângram Longtorai

Tuikual ‘S’ YMA, Section-I, Inpui, (Agriculture Quarters bul), Tuikual ‘A’-in report tûr Presbytery te:

1. Aizâwl Chhim Tawi	Tuichângrâl South Baramura	Lunglei West
2. Aizâwl Chhimthlang Tuichâng	Chhimphei	Chhimtuipui

Tuikual North YMA Hall, Tuikual ‘D’-a in report tûr Presbytery te:

1. Aizâwl Central Tuivawl	Hmârthlang Tripura South	Chhawrpial
2. Aizâwl Hmar Zoram Pâwn	Chhimthlang	Tuichângrâl North
3. Aizâwl Hmarchhak Tuivawl	Tlawng Lamka South	Tuipuirâl Lamka North

Râl Vêngtu

Nu chang pakhat hian chawhnu inkhâwm bânah thlan tla hlumin Râl Vêngtu arawn pan a. Râl Vêngtuin thingpui sen hâng tui tak a lo hlui chu muang châng in pah chuan, tûnlaia zâwnei rawngkai, thupuan nei thei apui an tam thu leh an thupuan a inan hlawn loh avâng a ngaihna a hriat loh thu a sawi bawrh bawrh a.

Râl Vêngtu chuan, “Harhna boruakah hian zâwnei rawngkai kan tih ang hi an awm chawk a, fimkhur viau pawh a tûl a nia. ‘Ka mumangah chuan’ ti thei nazawng leh ‘ka rilruah a lo lang a’ ti nazawngte hi chu ring ber suh u. Thuthlungte hi in la duh rau rau a nih chuan in kohhran hruaitute hnên aţang hian la thîn rawh u. Ram pum huapa tûl leh pawimawh tûr hi chu Pathianin a mite Inkhâwmpui hman hian a hriattîr mai zêl a nia. A thuhrimin mi dang thu dawnsawn chungchângah eng ang mi nge an nih? tih te leh eng kohhranah nge an awm? tih te hi hriat ve zêl a tha a nia. Nuho hi bum in nuam a, eng emaw te hi in hre thei phian zêl a; fûkna mumal nei lo thupuanthe hi thutak khûkin in lo khûkpui mai mai ang e,” tiin a lo hrilh a. Kohhran hruaitute leh Inkhâwmpui thu ngaihchân a pawimawhzia lama nun thar nei chungin hlim takin a hâwng ta a.

KTP CONFERENCE 2016 PANDAL SAK TAN A NI TA

Kum 2016 KTP General Conference hmanna tûr pandal sak hna chu tan a ni ta. Pandal hmunhma leh a hawi dân tûr te Pandal Sub-Committee-in an lo ruahman fel sa angin Nov. 3, 2015 chawhma dân 10:30 khân Organising Committee Chairman Rev. Lalpârchhuana’n hunserh hmangin pandal sak hnatlâng hi tan a ni a. A tan ni hian Organising Committee OB te leh member zawng zawng bâkah leh Champhai Joint KTP huam chhûnga Branch OB zawng zawng te an hnatlâng a, a bâk chu Branch hrang hrangte a inchnâwka hnatlân chhonzawm tûr a ni ang.

CHHIM BIAL CHAKMA CONVENTION HMAN A NI

Oct. 29 - Nov. 1, 2015 chhûng khân Chhim Bial Chakma Convention Vawî 11-na Bûngtlâng South ah hman a ni. He Convention ah hian Speaker-ah Rev Sujindro Chakma, Damdep Bialtu Pastor hman niin ringthar baptisma chang mi 40 an awm a, a lâwmawm hle. Palai riak lût mi 419 zet an awm.

SYNOD HOSPITAL, DURLÂNG SEPTEMBER, 2015 CHHÛNGA THILPÊK DAWNTE

I. CHARITY FUND

1. Ramhlun 'N' Bial Kohhran Hmeichhia	₹	20,000
2. Ramhlun Vênglai Kohhran	₹	28,660
3. Pi Thantluangi, Zârkawt	₹	1,000
4. Kângmun Bial Kohhran Hmeichhia	₹	1,370
5. Lungdai Kohhran	₹	2,000
6. Zoramawii, Zârkawt	₹	3,500
7. Airfield Vêngthar Bial Kohhran Hmeichhia	₹	3,000
8. Pu Lalnunsâng, Durtlâng Dâwarkawn	₹	1,000
9. Sesawng Bial Kohhran Hmeichhia	₹	3,000
10. Pu Lalsânglûra, Durtlâng Mêl - 5	₹	1,000
11. West Phâilêng Bial Kohhran Hmeichhia	₹	5,000

III. GRACE HOME TÂN THILPÊK PETUTE

1. Central KTP Cook hlawn tûr	₹	9,000
2. Chanmari Bial Kohhran Hmeichhia	₹	30,000
3. Thupui Bial Kohhran Hmeichhia	₹	15,000
4. Salvation Army, Lily Vêng Corps, Châltlâng	₹	5,000
5. Tlângnuam Kohhran Hmeichhia	₹	10,000

III. THISEN PE TE

1. KTP, Durtlâng Branch	60 Units
2. KTP, Vêngnui Bial	34 Units
3. KTP, Aibawk Bial	36 Units
4. KTP, Chhiahtlâng Bial	56 Units
5. KTP, Saitual Branch	55 Units
6. JC Security Guard & Labour Supply	13 Units
7. KTP, Aizawl Branch, Vênglui	28 Units

IV. THIL DANG PE TE

1. Upa Lalramhluna, Selesih	Dam lo tân inthiarna thutthlêng
2. Kângmun Bial Koh. Hmeichhia	Hospital tân ₹1,000
3. Pi Suakhangpui, Zemabawk 'N'	Hmunphiah 50
4. Nisapui Kohhran Hmeichhia	ICU tân thutthlêngsei 4
5. Chaudhuri Pharmaceuticals, Kolkata,	Vaccination Cards - 5000, Refrigerator (large) leh ₹5,000
6. Saiha Pastor Bial	₹2,000

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lawmthu kan sawi tak meuh meuh a ni. Hêng in thilpêk kan dawnte hian damlo awm man harsate thlamuang takin a awmtîr a, Hospital mamawh tam tak min phuhrûsak baw a ni.

Sd/- REV. R. RAMDINMAWIA
Chaplain, Synod Hospital, Durtlâng

KTP YOUTH RECREATION CENTRE (YRC) LUNGPHÛM PHÛM A NI TA

Mizoram Presbyterian Kohhran hnuaia thalai pâwl, Kristian Thalai Pâwl (KTP)-in Kohhran thalaite tân leh ram tân pawha ro hlu tling pha tûr hmalâkna an kalpui mêk Youth Recreation Centre (YRC) lungphûm chu October 13, 2015 (Thawhlehi) tlai dân 3:00 khân Synod Moderator, Rev. Lalrinmawian a phûm. YRC hmun tûra Synod-in KTP a pêk Flakland (Zemabawk chhim lam World Bank kawngpui hrûl)-ah lungphûm phûm inkhâwm hi buatsaih a ni a. Rev. J. Lalremsiama, Leader, CKTP-in a kaihrui a, Gen. Secretary Upa Zonunmawian hriat tûrte sawia lâwmthu a sawi hnuin Rev. P.C. Pachhûnga, Executive Secretary i/c KTP-in thu a sawi a; Rev. Lalrinmawia, Synod Moderator-in lungphûm phûma thu tawi a sawi leh hnuin Pu Zonunsâng Râltê, Secretary, YRC Sub Committee-in YRC report a pe a, Synod Choir-in ruahsûr hnuaiah thiam takin Pathian fakna hla an sa a, Synod Secretary Rev. B. Sângthangan Malsâwmnain inkhâwm a tîn a ni.

YRC Sub Committee Secretary report-a târ lan tlangpui chu hetiang hi a ni - Youth Centre hi kum 1979-1980 vêl aţang khân buaipui tan a ni a. Kum 1987 khân tawngtâina hmun leh Youth Recreation Centre (YRC) atân Hlimen ramah hmun zau tha tak KTP-in a lei a. Kum eng emaw chen chu KTP member-ten Rs. 5 leh Rs. 10 zêla thawhin sum pawh eng emaw zât an lo thawh khâwm tawh a. Amaherawhchu, Hlimen ram hi tui leh a panna kawngah harsatna a awm avângin hmun dang zawng tûra rêl a ni ta a. Bâwngkâwna Synod ramah hmun awm thei dâwna ngaih a nih laiin Synod-in Falkland-a Pu Sângsiamam ram, chêng nuai zathum chuanga a lei chu “CKTP YRC atân hman ni se” (SEC 251:46) tiin a rêl ta hlauh mai a. Synod hruaituten KTP sum aţanga lei zawh hauh loh tûr an pêk avângin Central KTP chu an lâwm tak zet a ni.

CKTP Meeting wawî 667 (VI)-na chuan YRC puitlin thuai a nih theih nâna hma la tûr Committee a dân ta ngêl a. YRC bawhzuitu Committee pawhin a theih ang tâwka hma la chhovin, YRC hmun tûra a ram neituten an lo luah hawhtîr Spastic Society hnuaia Gilead School hotute nên inberâwn chung zêlin a hmun sâm fai leh Gilead School insawnpuiin hnatlâng pawh neih a ni a. Digital Mapping tih nân a hmun sâm fai hnatlâng leh Gilead School thiah leh an bungruate thiarin Aizawl khawpui chhûng Bialte an hnatlâng a. Hnatlâng tha 2019 lai sên a ni.

YRC hmun hi bigha 13 laia zau a ni a. Hruaitu hmasate ruahmanna bawhzui zêlin YRC ruangam tûr pawh siam fel a ni tawh a, Architect atân Landmark Architectural & Engineering Consultant te rawih an ni. Architech Project Estimate leh Plan pawh Synod Property Department-in a pawm felin SEC {SEC 256:32(3)} pawhin min pawm sak tawh nghe nghe a ni. YRC Project atâna sum sên tûra ruahman zawng zawng chu chêng vaibelchhe 80 vel a ni.

Central KTP Committee chuan hruaitu hmasate duhtusâm angin YRC hmun hi tângkai thei ang ber leh changtlung taka siam tha a ti a. A hmun hmaa thil hrang hrang awm tûr chungchângah te, design leh a plan-ah pawh thui tak hma thlîr neih thaa hriain khawvêl hmun hrang hranga Youth Centre dinhmun te pawh zir chian a ni a; nakin zêla KTP member lo la awm tûrte tana chhenfâkawm tak ni tûra he ruahmanna (plan) hi siam a ni.

YRC-a awm tûra ruahmanna (Plan) chu heng a hnuaia mi ang hian a ni-

A. Auditorium

1. Auditorium Block-I : Mi 2800 len theihna.
2. Auditorium Block-II: Mi 500 len theihna.

Phêk 4-naah zawm a ni...

SÂWMNA

□ South Sabual Presbyterian Kohhran chuan ni January 4-10, 2016 chhûng hian Centenary lawm an tum a. He Kohhrana lo lawi tawh zawng zawngte he Centenary hmanpui tûr hian an sâwm a. Sâwmna hranpa siam a nih loh avângin hei hi sâwmnaah ngaih tur a ni e.

□ Saitual Kohhran chuan kum 2015 hi an kum 100 (Centenary) tlinna a lo ni ve ta a. He hun lawmna hi ni 1-6 December, 2015 chhûng hian ropui taka lâwm tûrin Kohhran a inbuatsaih mêk a. He Centenary lawmna hun hmanpui tûr hian Saitual Kohhrana lo lawi tawh zawng zawngte Kohhran Committee chuan a sâwm a ni.

CAMPUS MINISTRY

Oct. 29 – Nov. 3 chhûng khân India Campus Crusade for Christ, North East Region-a Associate Director Damodar Sharma chuan Synod Campus Ministry nêna thawhho dân tûr buaipuiin Aizawl a rawn kal a, Synod Campus Ministry hotute nên inkawmna hun tha tak an hmang a ni. Nov. 1 (Pathianni) zân khân Nepal Presbyterian Church, Bâwngkâwnah thu sawina hun a hmang a, Campus Ministry lama thawktuten an tawîawm a ni.

Nov. 6, 2015 (Zirtâwpni) khân Health Worker Training School, Kulikâwn Hmuntharah hun an hmang baw.

CHHAWMDAWLNA PE

Tûnhnaiah harsatna hrang hrang avângin chhûngkaw sawmpahni leh Kohhran pakhat hnênah Synod Relief Fund aţangin ₹ 1,98,000 (Nuai khat sîngkua sângriat) pêk chhuah a ni.

DELHI KRISTIANTE TÂN THLÂN RO NEIH A NI

Kohhran hrang hrang tângualin kum 2012 September aţanga an sak tan St. Thomas Christian Cemetery (The largest Crypt of Asia) chu October 31, 2015 khân hawn a ni a. Hawnna inkhâwmah hian Delhi Field-a kan missionary zawng zawng te Field Secretary Rev. Vânlalmuanpuia hovîn an tel a, Field Secretary chuan hetiang Kristianten thlân kan han nei ve ta hi a thlamuan thlâk thu a sawi.

REV. DR. H. SÂNGKHÛMAN CHAWLH A RAWN HMANG

Rev. Dr. H. Sângkhûma, Wales rama Missionary chuan Oct-Nov., 2015 hian chawlh a rawn hmang a, Mizorama a awm chhûngin SMB Office-in Kohhran hrang hrangah rawngbâwlina report leh thuchah sawina hun a siamsak. Wales rama a thawh hun chhûng hi tûn hnaiah khân term khat (kum hnih) dang pawh sei a ni nghe nghe.

JANUARY-SEPTEMBER, 2015 CHHUNGA RINGTHAR NEIH ZAT

January-September, 2015 chhunga ringthar kan neih dan hetiang hi a ni:

Field Hming	Ringthar neih zat	Field Hming	Ringthar neih zat
1. Barak	137	11. Arunachal West	431
2. Tripura	1242	12. Home Mission North	129
3. Delhi	36	13. Home Mission South	41
4. Kolkata	503	14. Assam	46
5. Siliguri	99	15. Jharkhand	622
6. Karbi Anglong	89	16. Cachar Tlangram	7
7. Arunachal East	54	17. Masihi Sangati	1103
8. Lucknow	340	18. Orissa	9
9. Patna	134		
10. Nepal	173	TOTAL	5195

Phek 3-na ami chhonzawmna...

3. Basement Parking : Motor Park-na tha taw tak Car 121, Two Wheelers 543 leh Bus 5 dah theihna.

Aditorium hi programme hrang hrang Bial/Branch ten Retreat, Camping, Crusade, Seminar, Concert, Musical Night etc atâna hman theih tûra ruahman a ni.

B. Convention Centre

1. Conference Room : Mi 100 len theihna tûr room tha taw tak.

2. Lounge, Reception : Mipuiin tângkai taka an hman tûrin Lounge leh Reception changtlung tak.

Convention Centre-ah hian YRC Office a awm ang a. Conference Room hi consultation, committee etc. atân te hman theih tûra ruahmanna siam a ni.

C. Guest Accomodation Block

1. Guest Room: Single Room - 10; Double Room - 20; Suite Room - 5; Chowkidar Quarter

2. Dormitory: Mipa 80 riah theihna tûr room pahni; Hmeichhia 80 riah theihna tûr room pahni.

3. Choka changtlung tak leh mi 200 len theihna tûr Dining Hall.

Heng room hrang hrangte hi pawns lam mikhual kan neih thîn thlentîrna atân te, Bial/Branch Retreat, Camping, riak lûta training/seminar etc riahna atân te, khawpui pawns Bial/Branch programme, Bial Zaiapawl programme etc a thlen mai theihna tûr te, hetiang a riaka thlengte leh Auditorium hmangtute chaw/refreshment eina hmun tûr Dinning Hall lian tha tak te ruahman a ni.

D. Thil dang awm tûrte: Football ground, Basketball Court, Bethel-na hmun, Blanket sùkna, Swiming Pool, pawns ei leh in nuam taka buatsaih theihna hmun.

YRC tihpuitlinna tûr hian sum a ngaih tam dawn avangin foreign funding leh kawng dang aţanga funding zawn remtihna hi SEC-ah thlen a ni a, SEC chuan a remtih sak tawh a {SEC 256:32(3)}. Funding chungchâng hi buaipui chhoh mêk a ni. A sakna tûr sum a awm chuan kum 5/6 chhûnga zawh hman beisei a ni. Sum zawna tûr leh hna thawh chhohna atâna pawimawh tûr Consultancy Firm hman leh Society Registration tih phalna chu Synod O.M. kaltlangin SEC-ah thlen a ni a. SEC-in a remtihsak tawh baw (O.M. 14:15 of 2015; SEC 257:8 leh O.M. 11:24 of 2015; SEC 257:9). Hêng ruahmanna hi Pathian hruainaa tihhlawhtlin a nih hunah chuan KTP tân hmun pawimawh anih ang bawkin Kohhran tân leh ram tân pawha rotling tak a ni ngei ang tih CKTP chuan a beisei a ni.

YRC a hlawhtlin theihna tûr hian hun rei tak KTP member-ten pawisa an lo thawh khâwm tawh a. General Conference leh Rorêl inkhâwmah pawh wawî tam tak agenda-a lo neih tawh a ni a, kum 2015 Rorêl Inkhâwm chuan “YRC pual hian budget Aizawl khawpui chhûng ten member pakhat Rs. 50, District Capital tân Rs. 30 leh a dang zawng Rs. 20 thawh,” tih leh “KTP Inkhâwm Thawhlâwm tum khat YRC pualin lâkkhâwm nise,” tiin an rêl a. Branch eng emaw zâtin YRC Budget tuak nân sawhthing linga inhlawh, lei lai, huan sâm, sangha zawrh, bâwm dawh, YRC Ip siam, jumble sale, motor sil etc. tein sum an tuak a ni.

Tûn tanga kum kal mêkah, lungphûm phûm ni thlenga YRC atâna sum lût tawh chu, zan khat inkhâwm thawlawm aţangin Rs. 4,43,956 leh YRC Budget ruahman aţangin Rs. 71,290 a ni. YRC pual sum thawhte hi November, 2015-a theh lût kim tûrin an inngên a ni. He thil hlu leh ropui tak a hlawhtlin theih nâna Pathian hnêna tawngtâi zêl a pawimawh êm êm a ni.

